

塊切作兩片剗孔銅碌在內仍前合定以線扎住濕  
紙包三四重灰火內煨一二時取出去姜出火毒研  
細先用溫鹽湯洗眼淨傅之甚效○治一切眼疼用  
鷄子一箇剗竅去黃留清封竅以大蘿蔔一枚剗空  
入鷄子在內閉竅封固仍種在地待結子後取出用  
清點眼極効蘿蔔并苗爲末亦可治膈氣○又方用  
防風五倍子等分煎湯頻頻溫洗○治害眼上醫用  
五倍子煎湯以厚紙中剪如眼大一孔覆湯盞上以  
眼就孔令湯氣蒸眼冷則再熱蒸數遍愈○治眼中  
生醫用蘭香子七枚煎湯一盞服○又方用石胡荽

執接內鼻中醫自落俗名鶯不食草○又方用芒硝  
置銅器中急火上煉之放冷細羅點眼角中欲卧時  
二度點之○又方用馬牙硝光淨者厚紙裹安在懷  
內着肉處一百二十日取出研細入少龍腦同研極  
細不計年遠眼生醫膜昏暗不明但瞳人不破並醫  
得每點用藥末兩米粒許○又方用珊瑚爲末每日  
稍稍點之即愈○又方用烏賊魚骨細研和蜜點之  
亦治牛馬眼中醫○又方用石決明去外面粗皮細  
研水飛點磨亦可漬水洗眼若青盲內障肝肺風熱  
宜服七孔九孔者良○又方用雀屎小直者以人乳

和傅自上消爛盡弩肉白膜若赤脉貫瞳人及青青  
點之極効○又方用白沙蜜半斤黃丹水飛過二兩  
訶子四箇沉水者去核柳枝東南向者四十九條置  
蜜內煉濾過盛瓷器內將訶子黃丹入蜜內風爐上  
熬順攪不許太過熬成金絲膏用手撚不粘爲度又  
用東南槐條折寸長一椀水三椀熬一椀將前膏解稀  
用瓷器收貯蜜蓋頓放地上三日去火毒再用絹濾  
過方用忌鷄犬婦人見不問遠年皆効及治諸般眼  
疾昏花惟內障不治○又方於上藥內加青鹽半兩  
別研烏魚骨二錢同熬成膏兼治內障眼及用黃連

末二兩水三椀就於熬藥鍋內熬數沸將鍋并槐柳  
條洗淨上藥別用磁器收之專洗赤冷淚等眼○治  
眼中赤障白膜風淚用青羊膽點眼中○治眼赤腫  
醫痛用鯉魚膽點眼中○治目中膚赤或爛弦風痒  
痛用覆盆子葉絞汁滴目中有虫出如絲線即效或  
日乾爲末綿裹用男孩乳汁浸少時點眼中○治目  
花醫膜澁痛用貝子一兩燒灰細研入少龍腦點之  
○又方專去醫用貝子十枚燒灰細研取豆大着醫  
上卧如炊一石米久乃滅有瘰肉者加真珠末與貝  
子等分點○治赤眼及睛上瘡用秦皮一兩水一升

於碗內浸春夏一食時看碧色出即以筋頭纏絲蘸藥仰臥點患眼仍先從大眦中滿眼着微痛勿畏良久三五飯之間即側臥瀝却熱汁每日十度以上着不過二日差○治風毒上攻眼腫痒澁痛或赤爛浮醫瘀肉侵睛用五倍子一兩蔓荊子一兩半共爲末每服一錢水二盞銅石器中煎及一盞澄去滓熱洗極効○治眼淚出不止用黃連濃煎汁漬綿乾拭目○治卒患赤目努肉痛用好梨一箇搗絞汁黃連三枚細剉綿裹漬令色變仰臥注目中○治眼築損努肉出用生杏仁七枚去皮細嚼吐掌中乘熱以綿裹

筋頭蘸點肉上不過四五夜即差○治目熱昏睛用蓮濃煎湯夜間點洗并服○又方用黃蘗方寸去粗皮新汲水一椀蜜少許同熬濃懸濾過日夜頻頻點洗○治眼兩眦赤爛用輕粉夜夜傅之自差○又方用瀝油於青膩石子上以古錢一文劄杖上磨令油清入膩粉調和塗在磁碗內以艾如鷄子大一塊碗合勿着地燒煙薰之半日取出少少塗於赤爛眦上永差○治青盲用白犬子未開眼時取乳汁點之日三度半月依舊明朗○又方用珍珠四分白蜜二合鯉魚膽一枚同煎三兩沸以綿裹少少點之須半

月見効○治目多冷淚者用烏鷄膽內汁點之○治  
眼睛無故努出一二分用冷水注竹筒內灌漬之數  
數自然內入平復如故○治眼昏用蔓菁子三升酸  
酒三升同煮熟曝乾爲末以井花水服方寸七日三  
服無忌○又方用蔓菁菜花陰乾爲末每服方寸七  
井花水調食後服○治眼日落不見物者名雀目用  
定粉黃蠟各一兩消開入粉放定每用一錢以猪羊  
肝二片切破入藥在內麻絲纏米泔內入茅根同煮  
熟食之○又方用黃蠟不拘多少消開取出入蛤粉  
和勻丸成毬子每用刀刮一二錢以猪羊肝二兩批

開摻藥麻纏定水一碗煮熟取出乘熱薰眼至溫冷  
食之須臨卧服不過再三○又方用蒼朮爲末每服  
一錢不拘時候○又方用真正蛤粉炒黃爲末以油  
蠟就熱和丸如皂角子內猪腰子中麻纏蒸熟食之  
可配米粥○治眯物入眼內不出用酥油少許隨眼  
左右內鼻中低頭令流入眼中淚出其眯物自無○  
又方用好墨清水磨濃滴入眼中即自出○又方用  
新筆蘸水繳之即出○治內障眼用鯉魚膽同腦子  
研勻貼太陽穴○治眼毛倒睫拔去卷毛用虱子血  
點入眼中數次効○又方用穿山甲以竹篦子刮去

肉以羊腰窩脂去皮膜將甲炙黃用脂擦上數次擦  
炙令蘇爲末口噙水隨左右眼鼻內嚙一字一月見  
効○又方用木鱉子三箇酥炙木賊一百二十節地  
龍二條去土赤龍爪一百二十箇倒鈎棘針也共爲  
末先摘去卷毛每日以紙撚蘸藥嚙之一日三五次  
○又方用穿山甲炮地龍去土蟬殼五倍子等分爲  
末先摘去卷毛用藥一字隨左右鼻內嚙之次日日  
下如線樣微腫是驗也○治赤睛用爐甘石二兩蜜  
陀僧黃連朴硝各一兩先將黃連水熬成汁入童便  
再熬後下硝又熬少時用火煨爐甘石紅黃連汁內

淨七次與蜜陀僧末同再研細臨卧貼之○治內障  
用白丁香臘月收者佳水飛八錢黃連防風各一兩  
新柳枝方一寸者三片用新水一升半雪水更妙春  
秋浸兩三時冬月一宿銀石器內熬至六分去滓別  
用蜜一斤蜜陀僧細末三字入蜜攪勻別熬以無漆  
匙撩點下蜜中急攪候沸湯定一人攪蜜一人旋旋  
攪藥汁都下在內攪勻再熬三兩沸色變用新綿三  
兩重濾去滓盛器中點眼如常每藥半合入片腦一  
麥粒大不用亦可○治一切眼疾用黃連十兩麩仁  
三錢去殼研杏仁七十箇去皮尖木賊七錢去節草

龍膽二兩去土以水一斗浸春秋三日夏二日冬五日入鍋內熬至半升濾出再用水七升熬至小半升濾出再用水五升熬至半升取出重絹濾過微熬傾於碗內重湯煮爲膏子盛瓷器內每用米粒大於盞內用水一滴濃化開以釵頭點之三五遍口內覺苦立効○治眼目昏花用甘菊花一斤紅柎去目六兩爲末以新地黃汁九如桐子大每服五十九臨卧茶清下○又方用爐甘石研代赭石煨醋淬七次黃丹水飛各四兩爲末白沙蜜半斤用銅鍋煉去白沫更添水五六椀熬沸下前末以文武火熬至一椀同銅

器攪試將藥滴水巾洗下爲度以夾紙四重濾於瓷器內貯密封不時點之有驗○治眼目昏暗淚出羞明怕日癩澁難開或痒或痛及遠年近日內外障翳睛瘀肉醫膜青盲並皆治之最宜常服用白羊肝一箇洗淨去膜黃連搗爲細末將羊肝入沙盆內拌爛旋入黃連末拌研丸如桐子大每服四十九食後溫漿水下忌食猪肉蒜生薑荳冷水等物○治眼倒睫用蝟刺棗棘針香白芷青黛等分爲末左眼倒睫口噙水左鼻內嚙之右眼倒睫右鼻嚙之○治眼內努肉用白礬爲細末仰卧少少點之○治遠年風眼用

杏仁一十一箇去皮尖分作三分粉草一寸分作三分嗽口淨將杏仁甘草各一分同嚼如泥吐於瓷盞內三分俱嚼爛用銅碌二錢研極細與前藥和勻以新汲水一盞漱口吐於藥內攪勻以帛濾過澄清於眼大角點之立効勿令塵於藥內○治近年眼疾用銅碌研寒水石研等分爲細末以五七沸滾水浸在藥內攪勻澄清將水面上藥膜掠去以清藥水於眼大角點之勿令塵入藥內立効○治目風眼寒及偏正頭疼夾腦風鼻出清涕目淚疼痛用石膏二兩炭火燒研細川芎一兩甘草半兩多爲末每服一錢葱

白好茶煎湯調下日二服食後○治一切眼目瘵肉暴晴風痒淚落不止用朴硝一斗以水半甌淘淨去上陰乾白丁香五升以水一甌淘淨去土攪細黃連半斤爲末以水將硝香熬至七分淘出令經宿水面浮牙取出控乾以紙袋盛懸風中至風化將黃連細末熬清汁晒乾硝用猪膽和加蜜點之効○治一切風眼疼痛不可忍者用巖蜜一斤黃連一兩沒藥半兩黃丹二兩炒紫色入蜜同熬黑煎黃連成稠汁入二味藥內熬稠更入沒藥末同熬數沸濾去滓洗甚妙○治一切疳眼赤爛目生翳膜內外障并小兒吐

利疳瀉用白藥子一兩甘草半兩爲末用猪肝一葉  
批開摻藥五錢水一碗煮熟食後服○治一切新久  
赤目疼痛不能坐卧并大小人口瘡用胡黃連檳榔  
各半兩麝香少許別研共爲細末點之如口瘡每服  
半錢麝香一字和勻貼之忌食魚猪油膩物○治赤  
眼冷淚并頭風耳聾耳痒鼻塞聲重用乳香沒藥川  
芎石膏雄黃各二錢益硝半兩共爲細末每用少許  
啗鼻內牙疼亦即止○洗頭明目方用鳳眼草即椿  
樹上叢生莢也燒灰淋水洗頭經一年服如童子加  
椿皮灰尤佳用正月七日二月八日三月四日四月

五日五月二日六月四日七月七日八月三日九月  
二十日十月二十三日十一月二十九日十二月十  
四日洗○治眼昏翳膜遮睛怕日羞明一切風毒眼  
用羌活防風柴胡甘草炒等分爲末每服二錢水一  
盞煎食後服或薄荷茶清菊花苗煎湯皆可服忌諸  
毒物○治眼昏常見黑花多有冷淚用枸杞子三兩  
從蓉酒浸炒二兩巴戟去心一兩甘菊花四兩爲末  
煉蜜丸如桐子大每服五十九丸食後温酒鹽湯下○  
治風熱上壅眼赤溢睛痛多淚用赤芍藥當歸黃連  
等分爲末每服二錢用極滾湯乘熱薰洗冷即再温



日三五次○治去翳膜明目用潔白芒硝五兩置銷銀鍋內以新瓦蓋用炭火慢慢熬鎔清汁鉗出鍋傾汁在別器中凝潔如玉者方好研極細入龍腦等分點或吹鼻中立効○治肝經蘊熱眼目赤腫用荆芥穗當歸赤芍藥各一錢黃連七分水一盞煎三沸去滓洗○治風熱眼弦赤爛用乳香一錢半別研黃連半兩荆芥燈心一百莖每用二錢水二盞煎一盞濾去滓熱洗○治爛弦風眼目疼痛時常出淚用黃連淡竹葉各一兩栢樹皮二兩一半生一半乾剉細水二升煎至五合稍冷洗爛處○治男子腎虛目昏視

不明漸成內障用白茯苓八兩去皮枸杞四兩酒浸蒸當歸二兩酒洗青鹽一兩別研菟絲子酒浸蒸為末煉蜜丸如桐子大食前湯下七十九○治眼上暈用川芎連翹槐角各二兩白芝麻生去皮四兩為末每服三錢新汲水調下日三服勿間斷即効○治風赤眼痛用盆紉草搗膏為丸每用一丸浸湯洗之不過五七次立効○治眼昏活血明目用瓢搖豆為末每服一二錢濃煎甘草湯調服○治眼目昏暗用水銀草每服三錢入木賊少許水一盞煎八分去滓通口服不拘時○治目中赤膚用覆盆草葉絞汁滴

目中有虫出如絲便効又汁合膏塗髮不白○治積  
年失明不識人用决明子爲末食後以粥飲服方寸  
七亦治青盲白膜赤痛淚出肝熱取葉作菜食之○  
治赤眼用皺面五葉草并龍膽草同爲末每服一錢  
以熟羊肝蘸嚼服○治赤眼疼痛用乾姜爲末水調  
半錢服○治目疾但瞳子不壞者十療九愈用蔓菁  
子六升蒸氣透以甑下熱湯淋曝乾還淋如是三遍  
爲末食上清酒服二寸七日再服○又方用蕪菁子  
三升苦酒三升煮熟日乾爲末并花水服方寸七加  
七日二服無所忌常服明目洞視肥腸○治赤

眼腫用梔子銅碌飛礬杏仁等分爲末水調澄清洗  
之○治眼昏用四月內收風落小胡桃每日午時食  
飽以無根水吞一雙下偃卧睡覺鼻孔內有泥鯉氣  
爲度忌發眼熱物○又方用羯羊膽以珍珠末填入  
懸屋西北角陰乾百日丸如小豆大一日服一九久  
則能視遠○又方用美酒五升以硃砂五兩浸五宿  
曝乾研細罌丸小豆大每服二十九久則明目輕身  
去三屍除瘡癩○又方用杏仁七箇銅青三錢研細  
蜜調貼碗內以艾一團燒薰之用漿水浸洗治一切  
眼疾○治目昏不見物用楮桃荆芥穗各五百枚爲

末煉蜜丸如彈子大食後嚼一九日三服薄荷湯下  
○治風淚眼用秋王瓜一枚竹刀去瓢以盆硝裝在  
瓜內懸背陰處下用瓦器接滴下硝水及每日掃取  
瓜上霜亦用瓦器收貯點眼亦治風赤○治火眼赤  
腫并醫用黃蘗槌碎黃蘗去僉剉細各二兩水七碗  
於銀銅器內熬至三碗去滓再熬成膏入少龍腦磁  
器內收貯點眼○治風爛眼用銅青水調塗碗底以  
艾薰成膏刮下塗爛處○又方用黃連不拘多少瓦  
器水煎減半綿濾去滓以瓦盞盛姜湯瓶上蒸之至  
汁少却入腦子少許淨器收貯點一切眼疾○治暴

赤眼用瓦瓶煎薄荷荆芥防風湯乘熱氣薰之仍以  
水洗○又方用熱湯一器緊閉眼以手掬湯沃之  
湯冷即止頓沃即安○治障醫諸眼用朴硝十兩湯  
泡濾過碗盛炭火熬乾置地上宿用黃丹二兩飛  
過麝香半錢研細加腦子再研點眼內○治打傷眼  
血侵睛用桃柳嫩枝生地黃猪肉同槌爛貼眼上○  
治心間積熱眼有赤筋貫瞳人用玄參爲末以米泔  
煮猪肝蘸藥末細嚼就以煮肝汁嚥下○治諸般眼  
疾用黃連當歸赤芍藥滑石爲末湯泡洗若醫障加  
石膏乳香秦皮風爛赤加蔓荆子五倍子去瓢湯泡

洗○治眼弩肉用臘月雄豬膽入馬牙硝在內風吹  
乾爲末入腦麝少許點之○又方用銅青白堊粉五  
倍子同爲末熱湯泡閉目熱洗冷再熱洗之爛弦者  
最効○治熱赤眼用桑葉大黃荆芥朴硝等分爲末  
蜜調貼兩太陽穴上退熱血○治眼生翳障用栝樓  
根甘草赤芍藥草決明等分爲末每服一二錢臨卧  
蜜湯調下

口芻

治口瘡用牛膝酒漬含漱○又方用五倍子末摻之  
便可飲食○又方用薔薇根避風打去土煮濃汁温  
含冷則易○治口瘡番白用桑樹汁先以髮拭口次  
以汁傳之○治口瘡久不合用亂髮露蜂房蛇蛻皮  
各燒灰存性每末一錢酒調服○治口舌生瘡爛用  
黃蘗片含之或用醋漬含○治口舌及喉中生瘡爛  
用蘘荷根酒漬半日含漱其汁○治唇上生瘡連年  
不差用八月藍葉一斤搗汁洗不過三日差○治口  
舌生瘡胸膈疼痛用豉炒焦爲末含一宿差○治口  
瘡用白礬泡湯灌漱以銅碌麝香研末乾摻○又方  
用乾姜黃連二味於口中細嚼流涎出○治大小人  
口瘡久不効用附子爲末醋調男左女右貼脚心有

愈○治白口瘡用巴豆三枚去皮不去油黃丹半錢同研如泥塗葉上如大碁子貼眉間須臾四圍瘡如蚕子去藥大効○又方用澱粉巴豆同研如泥如上貼眉間亦効○治赤口瘡用角高燒灰貼之○又方用黃礬為末摻之有涎勿嚥下○治口瘡并風疳用晚蚕蛾為末貼之○治大小人口瘡并疳宜露牙齒并胸前瘡久不効用娥高燒灰為末塗之有津勿嚥下忌油膩角高是也○治口瘡用白楊樹枝火燒一頭爛出注於刀上取諸貼兩眉上不過三度即差○治口乾用滑石碎之水煮數沸以新懸漬之口內含

嚥津○治口瘡用白礬一兩飛至半兩黃丹一兩炒紅色放下再炒紫色為度為末摻瘡上立愈○治口舌生瘡咽喉腫塞用蒲黃一兩盆硝八兩青黛一兩半以生薄荷汁一升同和勻瓷甌盛慢火熬乾細研用一字或半錢摻口內良久吐出痰涎如喉中瘡痛用竹管吹藥半錢入咽膈內立効○治口舌生瘡兩唇腫裂用晚蚕蛾五倍子蜜陀僧各一兩為末每用少許乾傅瘡上有津吐去○治口舌生瘡咽隔腫痛用寒水石煨三兩辰砂二錢半別研生腦子半錢為末每以少許摻患處○治上盛痰壅唇口拆裂舌上

瘡用甘菊花枸杞子肉蓯蓉巴戟等分爲末蜜丸如  
桐子大每服五十九米飲下○治口舌生瘡用細辛  
黃連等分爲末先以布巾揩淨患處摻藥在上涎出  
即愈○又方用確砂火煨爲末摻藥即愈○又方用  
檳榔燒灰存性爲末入輕粉和勻摻○又方用膩粉  
杏仁十粒去皮尖臨卮細嚼令涎出再用○又方用  
草烏南星各一箇生姜一塊焙乾爲末每用二錢臨  
卧時以好醋調作餅子貼手脚心○治口瘡臭爛久  
不瘥用黃蘗半錢螺青二錢研細臨卧置一字在舌  
下不妨嚥津或以銅碌易螺青○治口内生瘡用朴

硝一錢寒水石煨一兩入少硃砂同研如桃紅色傳  
患處嚥下不妨味苦加甘草○又方用五味子一兩  
滑石黃蘗蜜炙各半兩爲末每服半錢乾摻瘡上痛  
甚者良久便可飲食○又方用礪砂瘡甚者加腦子  
研黃蘗日乾薄荷葉等分爲末生蜜丸如龍眼大每  
服一丸嚥化○治急疔蝕口鼻數日盡欲死用海中  
文蛤燒灰臘月猪脂和塗之○治口瘡用蚕故紙燒  
灰存性爲末傳患處○治唇唇燥痛用橄欖核仁研  
傳○治口瘡用甘草白礬等分爲末嚥化○又方用  
吳茱萸爲末醋調塗脚心○又方用朴硝五味子滑

石黃蘗蜜炙白礬枯黃丹炒寒水石煨延胡索等分  
爲末疼不可忍者搽上良久即愈

口氣

治口氣臭用白礬麝香爲末擦牙齒上○又方用香  
薰一把水一斗煮三升稍稍含之○又方用甜瓜子  
爲末蜜丸如棗核大每旦洗漱畢含一九亦以揩齒  
○又方用丁香三錢甘草炙一錢川芎二錢香白芷  
半錢爲末煉蜜丸如彈子大綿裹每服一九嚙化○  
又方用細辛煮濃汁含漱

蟲物入口

治因熱取涼睡着有蛇入口中挽不出用刀破蛇尾  
入生椒二三粒裹定須臾即自出○治飛絲入口用  
紫蘇葉細嚼白湯送下即無恙○治狼煙入口即用  
好醋飲少許解

舌頰

治心脾熱舌頰生瘡用黃蘗蜜塗炙青黛各一分爲  
末入龍腦一字研勻摻瘡上有涎即吐出○治舌上  
忽出血如簪孔者用香薰一握濃煎汁服亦治心煩  
去熱○治舌腫用百草霜爲末好醋調傅○又方用  
亂髮燒灰水調方寸七服○治重舌用繡鎖燒紅打

下繡為末水調一錢噙服○又方用百草霜為末蜜調傳患處立効○治心脾壅熱生木舌腫脹用玄參升麻大黃犀角各七錢半甘草半兩為末每服三錢水一盞煎五分溫服○治重舌用生白礬黃丹飛過五倍子等分為末蜜調塗舌上少頃以水漱之再塗以差為度○又方用蒲黃少許擦舌上即消○治舌腫硬用百草霜食鹽等分井花水調塗舌上愈○治重舌喉閉用朴硝白礬為末摻入口中○又方用好醋磨膽礬噙吐出涎愈○活舌忽脹出口外用雄雞冠上刺血瓦盞盛浸舌就嚥下即縮

### 牙齒

治齒痛用白礬燒灰露蜂房微炙等分水煎數沸熱嗽冷即吐換○治齒痛及落盡用膽礬細研以人乳汁和如膏擦痛處或乳中日三四度止痛百日後復生齒每日以新汲水漱令淨○治齒腫痛及口氣用細辛煮濃汁熱含令冷吐出即差○治齒疳腐爛用棘針二百枚水二升煎一升頻頻噙漱○治齒疳痛不可忍嚼薰陸香嚥其汁差○治齒間血出用白礬煎湯含漱○治牙齒根動用生地黃濃煎汁嗽飲○治牙疳用雄黃末蜜丸如棗核塞牙間○又方用蘆



蒼爲末先以鹽揩齒令淨然後傅少末於上○治牙  
痛燒牛膝灰塗牙齒間○治牙宣用礬石一兩水三  
升煮一升噉嗽○治牙痛多將蒼耳子濃煎汁含漱  
○又方用山豆根一片含於疼處○治牙齧疼有虫  
用雄雀屎綿裹塞孔內日一二次易之○治牙宣牙  
癰用蚕退紙燒灰存性揩齧上○治牙縫出血用蟾  
酥以紙撚子蘸少許於血出處按之立止○治齒齧  
宣露用蛭蚓尿水和於泥火燒極赤爲末臘月猪脂  
和傅上日三求差○治牙虫用杏仁燒煙末盡研如  
膏物裹內孔中○治牙齒腫孔痛用莽草爲末綿裹

內孔中或於痛處咬之低頭吐津勿嚥○治風蟲牙  
痛頰腫用莽草五兩水一斗煮五升熟含嗽吐之一  
日盡○治風蛀齧齒用郁李根白皮水煮濃汁含之  
冷即易吐出蟲○治牙痛巴豆一粒煨黃熟去殼用  
蒜一瓣切一頭作蓋剗去中心可安巴豆在內以蓋  
合之用綿裹隨患處左右塞耳中○又方用槐白皮  
一握剉細醋一升煮去滓入鹽少許溫含之日三易  
○又方用桃樹蛀屑一撮醋煎澄清溫嗽○治齧齒  
用松脂如錐注孔內須臾蟲緣脂出○治虛氣攻牙  
齒疼并血出牙齧疼痛用骨碎補二兩剉炒令黑爲

末依常盥漱後揩齒上良久吐之臨卧用嚥之無妨  
○治牙疼或蟲痛用獨蒜煨熟截破用頭熨痛處冷  
即易○又方用雄黃乾姜各一錢爲末口噙水左邊  
疼吹右鼻右邊疼吹左鼻每用一字○又方用巴豆  
肉一粒大蒜一瓣共研如泥攤於方寸紙上卷爲筒  
內於牙齒疼耳中○又方用貓兒眼草一捻爛搗湯  
泡去滓含嗽良久吐之不可嚥○又方用蓖麻子五  
六箇麝香少許蒜鬚少許燒棗少許和搗丸如棗核  
大綿裹塞耳內○又方用大戟火內燒熟放痛處咬  
之○又方用黑豆一撮葱白三莖艾葉一捻川椒數

十粒并花水半碗煎七分就軟噙嗽○又方用鶴虱  
細辛白芷甘松等分爲末拭牙上或煎湯噙嗽○又  
方用白芷姜黃細辛等分爲末擦之○又方若諸藥  
不効用甘草濃煎汁噙漱三五日定愈○治風蛀牙  
疼用白芷細辛煎湯灌漱或用絲瓜燒灰存性擦之  
○治風牙用細辛草烏等分爲末擦之溫水灌漱○  
治蛀牙用天仙子燒煙以竹筒抵牙上薰之○又方  
用溫米醋漱出虫自愈矣○治走馬牙疳用紅棗一  
箇去核包信少許以濕紙裹定火內燒并黃蘗共爲  
末貼牙上○治大小人牙齒腐蝕氣臭出血并口瘡

用鉛白霜銅碌各二錢白礬一塊爲末以翎毛掃上  
瘡以溫漿水漱之小兒不必漱○又方用鹼土不以  
多少麝香少許以軟湯淋汁銀石器中熬乾刮下再  
與麝香同研勻摻瘡上以紙貼神效○治一切牙疼  
用貫衆鶴虱荊芥穗等分每用二錢加川椒五十粒  
水一碗煎七分去滓執漱吐去藥立效○治打動牙  
齒用蒺藜根燒灰貼動牙即牢○治牙齒動搖用黑  
錫半斤大鍋內鎔成汁入桑條灰柳木槌研合成沙  
爲末每日早晨如常指牙後用溫水漱在盜內以水  
洗眼能明目黑髮鬚髮○又方用冷水化鹽數數含漱

其根復牢○又方用生地黃綿裹咋其汁清齒根并  
嚙津三五度差○治齒縫血出不止用生竹茹四兩  
醋浸一宿少少含之不過三度血止○又方用五倍  
子燒過爲末傅之血止○又方用紫礦乳香白礬麝  
香等分爲末先以煖漿水漱過後少少上藥如有水  
出卽和藥更漱之夜乾貼○治牙疔作孔虫食疼痛  
用附子爲末鎔蠟和丸塞耳內大妙○治牙疼用白  
楊皮爲末每服三錢執醋調含之漱灌乃牙疼之仙  
藥○又方用地龍去土玄胡索葶撥等分爲末每用  
一字綿裹隨左右痛於耳內塞之○又方用大黃末

紙撚隨左右痛處鼻內撚之立止口內先噙冷水○  
又方用韶腦二錢硃砂一錢爲末每用少許擦痛處  
○又方用紅豆二錢花城少許爲末隨牙疼處左右  
鼻內搗之○又方用細辛白茯苓升麻葶撥青鹽石  
膏川芎皂角去皮弦酥炙等分爲末早晚刷牙溫水  
漱之牙疼處更上少許○又方用巴豆去皮以針刺  
於燈焰上炙令煙出薑芽痛處薰三五箇止○又方  
用良姜一塊全蝎一箇爲末先用酸漿水漱口次以  
藥末擦之流下涎水即愈○又方用花城填牙坑痛  
處立止○又方用白礬滾湯泡溶軟漱○又方用丁

香車撥蝎稍大椒等分爲末每用少許以指蘸藥擦  
於痛處有津吐出○又方用細辛半兩白芷烏頭各  
一兩乳香三錢爲末每用少許擦牙痛處引涎吐之  
須臾以鹽水灌漱○又方用萆薢良姜胡椒細辛等  
分爲末每用少許噙溫水隨痛處鼻內搗○又方用  
盆硝別研二錢雄黃別研一錢大蒜二枚細辛皂角  
四錢爲末用大蒜搗爲膏丸如桐子大每用一九綿  
裹左邊牙疼放在左耳右邊牙痛放在右耳內良久  
痛止取出一丸可治數人○治風牙重疼痛不可忍  
用良姜草烏去皮細辛荆芥穗等分爲末每用少許

於痛處擦之有涎吐出不得嚥良久用鹽水灌漱其  
痛即止及用腐炭末一半相和常時揩牙○治患牙  
取牙落不犯手用草烏茸擦各半兩川椒細辛各一  
兩爲末每用少許指在患牙處內外其牙自落○治  
牙搖動牢牙去風冷用大香附子炒黑三兩青鹽半  
兩別研爲末和勻如常法○治一切牙疾牢牙去風  
蛀齲宣露用槐枝柳枝各截四十七莖剉細皂角不  
蛀者七枚鹽四十文重同入甕瓶內固濟糠火燒一  
夜候冷取研揩牙用如常法○治牙宣疼甚用茸擦  
胡椒良姜乳香細辛麝香青鹽雄黃等分爲末先以

溫酒調下刷浮後用藥末於痛處擦追出頑涎休吐漱  
數十次痛立止忌油膩一二日極効一方用青皮兌  
去乳香細辛青鹽雄黃○治牙疳用米二停鹽一停  
盆減麝香少許白礬相合水拌勻紙裹燒焦黑爲末  
貼藥立止○常用刷牙藥用地骨皮二兩酒浸一宿  
鼠粘子一兩半炒細辛酒浸青鹽各一兩爲末入麝  
香少許每用一字臨臥擦牙茶酒漱良久吐出○  
方用石膏細辛柳椹等分爲末擦之○治牙疼用露  
蜂房煎湯漱○刷牙藥用香附子炒熟大黃煨各一  
兩以椽子二十箇內一十八箇裝滿青鹽於砂器內

單擺碗蓋燒存性與生橡子二箇并香附大黃同爲末每日刷牙掠髮鬢○治齒疼用胡麥子五合水五合煮一合含之愈○治大小人牙疳用鷄腸草爛搗貼患處○又方用雙頭蓮即催生草爛搗貼之○治食酸物齒齲用胡桃肉細嚼解之○治腎虛齒痛用生地黃川芎各一錢爲末塗齒根上○治牙疼用青蒿一握水一碗煎半碗溫漱之疼即止○又方用良姜草烏爲末揩齒有涎即吐出以鹽湯漱口

### 鼻疾

治鼻塞不通用小薊一把水二升煮一升去滓分服

○又方用葷澄茄半兩薄荷葉三錢荊芥穗一錢爲末煉蜜丸如櫻桃大每服一九噙化嚥津○又方用菖蒲阜角等分爲末每用一錢綿裹塞鼻中仰卧少時○治鼻中瘡用杏仁研如膏以乳調塗之効○治鼻流濁涕不止名曰鼻淵用辛夷仁半兩蒼耳子炒二錢半白芷一兩薄荷葉半錢日乾爲末每服二錢用葱茶清食後調服○治鼻齁腦塞眼昏用青甜瓜莖爲末吹鼻中亦治鼻中瘰肉○治鼻齁用阜角炙爲末如小豆許以竹管吹入鼻中○治鼻齁腦塞眼昏用陳瓜蒂一分爲末以羊脂少許和傅瘰肉上日

三〇治齧鼻用乾姜末蜜和塞鼻中〇治鼻中瘰肉  
用白礬燒爲末面脂和綿裹塞鼻中數日肉隨藥落  
〇治鼻齧瘰肉鼻痔用雄黃白礬細辛瓜丁等分爲  
末搗入鼻中〇治久患鼻瘡濃血臭者用百草霜研  
細冷水調服三錢〇治膽受熱血妄行鼻中衄鱗并  
血汗不止用硃砂水銀麝香等分爲末每服半錢新  
汲水調下不拘時〇治鼻赤如瘤用硫黃輕粉細辛  
乳香等分爲末井花水調擦〇治鼻頭赤用雞心檳  
榔硫黃等分片腦少許共爲末以糲帛裹時時於鼻  
上擦磨又加蓖麻子肉爲末酥油調臨卧少擦於鼻

上終夜得聞其氣効〇治鼻中肉螻蛄用赤龍爪苦  
丁香各三十箇苦葫蘆子不以多少麝香少許爲末  
以紙捻子點藥末用〇治鼻中外鼓瘤膿血出用蜂  
房灸爲末酒調方寸七日七服〇治鼻面酒皰皰用  
鷓鴣屎一合研以臘月猪脂和每夜傅之〇治鼻疳  
及鼻中生瘡用黑牛耳內垢膩傅之〇又方用杏仁  
爲末人乳調傅〇又方用紫荊花乾爲末貼之〇治  
鼻流清涕不止用葦撥末吹鼻內即止〇治肺風鼻  
赤用硫黃白礬等分爲末以茄子汁調塗〇治鼻中  
生瘡用玄參水漬軟塞鼻中或爲末塗之〇又方用

枯礬末塗之○治酒齮鼻赤用橘子核微炒爲末每服一錢七研胡桃肉一箇同以酒調服○治鼻有瘰肉喘息不得用雄黃煉一塊如棗大塞鼻中不過十日瘰肉自出甚効

### 耳疾

治耳鳴用生地黃截如棗核大濕紙裹微火炒煨過塞耳數易之以差爲度○治耳鳴及痒用烏頭燒灰菖蒲等分爲末綿裹塞耳中日再易○又方用生烏頭乘濕削如棗核大塞耳中旦易夜易三日愈○治耳聾用雄黃硫黃等分爲末綿裹塞耳中○又方用

菖蒲根一寸巴豆一粒去心合搗作七丸綿裹塞耳內○又方用骨碎細削作條火炮乘熱塞耳中○又方用槐膠一塊煨以綿裹塞耳中○又方用杏核燒微煙出打破取仁綿裹塞耳內○又方用驢油滴入耳中或蛇油蝟油皆好○又方用烏頭削如棗核苦酒中漬一宿稍乾塞耳中大効○又方用乾地龍一條貯葱尾中入盞入許爲水滴耳中○治聾多年不聞者用牡荊子一升酒三升淬之漬七宿去滓任性飲盡即聞大驗○治耳聾疼痛用百合日乾爲末每服二錢食後溫水調下○治耳痛用菖蒲爲末炒乘



卷之八  
二九  
較畏塞耳甚驗○治耳內腫痛膿血出用白礬燒末入少麝吹耳中日三四度或綿裹塞耳中立差○治耳內有膿名通耳用猪藍子為末吹耳內不過二三次愈○治耳卒聾用巴豆一粒蠟裹針刺令通透塞耳中○又方用甘遂如棗核大綿裹塞耳中却以甘草於口中徐嚼○又方用樓子葱尖插耳內○又方用香附子為末以砂桃煎蘿蔔種湯飯後臨卧服二錢乾蘿蔔亦得莫見鐵器○又方用凌霄葉爛杵自然汁灌耳內○治耳間疼痛流膿用鳩屎夜明沙為末吹入耳中○治耳濕用陳皮燒灰為末吹入耳中

○治耳聾用細辛為末銕黃蠟和丸如鼠糞大綿裹塞耳中○又方用鼠膽傾入耳中○又方用葶麻子五十箇去皮與熟棗一枚同搗丸如小棗大更入小兒乳汁就和每用一丸綿裹內耳中覺軟為度一日一易如藥難丸日中曝少時○又方口噙甘草一枚耳中塞二塊用綿裹○又方用全蝎四十九箇去薑酒濕以糯米半升於大瓦上鋪平將蝎鋪於米上焙令米黃為度去米不用又切生姜四十九片每片放蠟再焙姜為度去姜不用將蝎碾為細末三五日前每日先服黑錫丹三五服臨服藥時夜飯只半飽

看人酒量勿令大醉酒調服畢令其睡切無叫醒待  
熟睡久却輕喚如不聽得濃煎葱白湯一椀令飲耳  
即鳴○又方用蒼朮一塊長七分將一頭截平一頭  
削尖將尖頭插耳內於平頭上安筋頭大艾炷灸之  
輕者七壯重者灸十四炷覺耳內有熱氣者効○又  
方用驢脂和生椒熟搗綿裹塞耳中○又方用杏仁  
七箇去皮研碎分三處入鹽一小豆許綿裹以器盛  
於飯甑中蒸之候飯熟取出令患人側卧和綿將一  
裹捻油汁滴入耳中良久又以一裹依前法○又方  
用附子削尖醇醋微火煎良久塞耳中○又方用水

蘇葉生搗細細裹塞耳中○治耳聾鼻塞用乾柿三枚  
細切粳米二合豉少許煮粥空心服○治腎氣虛損  
耳聾用鹿腎一對去脂膜細切於豉汁中入粳米二  
合煮粥以五味調和空腹食之作羹及酒服並可○  
治底耳用桑螵蛸一箇慢火炙八分熟存性入麝香  
一字爲末每用半字摻耳內如有膿先用綿包子搨  
去後摻藥末極効○又方用枯白礬爲末填於耳中  
立効○治耳內卒痛聾塞用菖蒲附子炮去皮臍等  
分爲末醋糊丸如杏仁大綿裹置耳中日二易之○  
治聾耳出膿及黃水用白礬煨一錢胭脂一字麝香

少許研勻以綿杖子纏去耳中膿水即用別纏杖子送藥入耳中令到底搽之即乾或加龍骨○治聾耳及聾用鷲尾罌填耳內亦用膏灌之○治耳聾久不聞者用緊磁石一塊如豆大穿山甲燒存性爲末一字以新綿裹塞於患耳內口中嚼少生鉄覺耳內如風雨聲即愈○治兩耳虛聾用白茯苓二兩山藥炒三兩杏仁炒去皮尖兩半黃蠟一兩將三味爲末研勻鎔蠟丸如彈子大盪湯嚙下○治耳熱出汗用滑石爛石膏防風天花粉各一錢腦子少許同研爲末搽耳中○治聾耳有膿出不止用五倍子焙乾一兩

及全蝎燒灰存性三錢爲末搽耳中○治百虫入耳用香油灌入耳中○又方鷄冠血滴入耳中○又方用驢牛乳灌入耳中○又方用韭汁灌之若腦痛以槐葉熟揆塞兩耳或用葱汁生姜汁灌耳中○若蜈蚣入耳用猪肉一塊炙熟掩耳○治飛蛾入耳用醬汁灌耳中又繫銅器於耳傍○治蟻入耳中燒穿山甲末水調灌之○治水入耳用薄荷研汁點入立効○治耳中有物不可出用細麻繩剪令頭散蘸好膠入耳中着物上粘之徐徐引出○治小虫蟻入耳挑不出者用燈心浸油釣出○治諸虫入耳用蒼耳草

搗自然汁灌少許於耳內虫即傾出○治涎蚰入耳  
用龍腦少許吹入其虫即化為水○又方用羊乳酪  
灌之亦化為水○又方用黑驢乳灌耳中○又方用  
猫尿灌耳中立出取猫尿用盆盛猫以生姜擦牙○  
治虫入耳用椒末一錢醋半盞浸良久少少灌之虫  
自出耳○治風虛耳聾用柘木白皮及東行根白皮  
煮汁蘸酒服有驗○治耳有膿用桑螵蛸一箇慢火  
炙存性麝香一字研細以綿杖纏去膿血搽半字入  
耳立効○治耳中出血用龍骨為末吹入耳內○治  
耳中濕潤及出膿水用炒黃丹枯白礬各一兩凌霄  
花赤芍藥各二錢為末吹入耳中如未乾加五倍子  
焙二錢全蝎五箇胭脂一字為末吹入即乾○又方  
用生白礬末吹入耳中日二次立効

衛生易簡方卷之七

臺灣國家圖書館, NATIONAL CENTRAL LIBRARY, TAIWAN, R.O.C.

衛生易簡方卷之八

頭面

治頭面腫大疼痛并喉痺用殭蚕一兩大黃二兩爲末姜汁丸如彈子大每服一丸井花水入蜜少許研食後徐徐呷飲○又方用以針刺腫處出血立効○治腦宣用阜角去皮弦子蜜炙槌碎水揉汁熬膏啗鼻內口咬筋良久涎出爲度○治面風用益母草灰麩湯和燒七次洗面用之○治頭上乾濕癬瘡用白礬爲末酒調塗之○治大小人腦疽用枳殼半箇去瓢以生姜自然汁調飛羅麩成膏填殼內蓋瘡上糊

扎住待瘡愈取之○治頭上瘡用海螵蛸白膠香各  
二錢研細入輕粉半錢再研先以清油潤瘡却將藥  
末乾摻瘡上只一次便可甚者二次○治大小人頭  
上軟癩用樺樹上霜打不落乾桃子名桃奴爲末油  
調傅○治軟癩流膿不愈用爛船底油灰爲末油調  
傅極効○治一切風熱上攻頭面浮腫生瘡及偏正  
頭風用柴胡羌活當歸防風川芎甘草等分爲粗末  
每服三錢水一盞姜三片煎七分去滓溫服○治頭  
上風屑極痒以藜蘆根不拘多少爲末先洗頭避風  
候半乾用藥摻擦在頭皮上却束髮緊縛兩日夜○

治面赤用平胃散以冷水調塗之○治面好杏仁  
去皮搗和鷄子白夜臥塗面明早以煖酒洗之○治  
面上黥黑子用李核仁土皮細研以鷄子白和如錫  
塗至晚淡漿洗之後塗胡粉不過五六日効○治面  
上疥癩用白附子爲末臨臥先以漿水洗面後以白  
蜜調末塗紙上貼之漸次自落○又方用白殭蚕爲  
末如上貼之○治面上黑痣用寒食前後取桑條燒  
灰淋汁熬成膏塗痣自落○又方用烏梅爲末唾調  
塗○又方用茯苓爲末以白蜜調塗亦落○治面上  
白駁用鱧魚皮炙令脂出塗之○又方用官桂爲

末唾和傳之○又方用蘿摩草拭之自然除去○又方用蛇脫皮軟摩葉草中○又方用半天河水洗之即空樹中及籬頭水也白駁即癩風○治面上癩厲用淨地上種鐵掃帚一株待黃落後去莖掃地上葉子并根共煎湯澄清洗面三四次其癩自消○又方用木蘭香一斤三年米醋浸令沒百日出曝乾爲末以傳之每日亦服方寸匕○又方用鷄糞白爲末塗之○又方用白殭蚕衣魚鷹屎白等分爲末以面膏和塗滅一切瘡癩痕○治滅癩痕及雜瘡用寒食飯研傳之○治面上肝胞及婦人黑炮如雀卵色用白

茯苓末蜜和傳之○治面上多黧黧如雀卵色用麩半膽一枚酒二升煮三沸以塗拭之日三度差○治年少面起細胞用浮萍投盪之亦可搗汁飲少許○治面上粉刺用菟絲子搗絞汁塗之差○治豆瘡癩并黧黯瘡鼻用蜜陀僧爲末乳汁調塗効○治疔瘡生身面上用葵根燒灰和猪脂塗之○治面耐風日用臘月猪脂常摩面上經風日不變○治頭上白屑用山豆根末油浸塗如小兒即以乳汁調半錢傳○治頭瘡白禿用鷄窠中草和白頭翁草燒灰存性爲末猪脂調傳○治疔瘡用赤小豆爲末以鷄子清調



塗○治眉毛脫落用七月烏麻花陰乾爲末生烏麻油浸每夜傅之○治頭瘡用大笋殼葉燒灰入少膩粉生油調傅○治野黧風刺用苦參一斤紅芍藥冬瓜子各四兩玄參二兩爲末每用一字手洗面上○又方用白附子白芨白斂蜜陀僧白茯苓胡粉等分爲末淨洗臨卧以乳汁調一錢塗面且洗光淨牛乳亦可○洗面點藥用豬蹄一副去黑髻膏入蜜二大匙白芷瓜蒌白芨白斂茯苓藿香各一兩梨二箇再同熬至滴水不散濾過臨卧塗面次日將水洗之○治頭面上瘡用鐵子底黑煤以小油打成膏攤紙上貼瘡面上少用恐有黑痕○治眉煉頭瘡用小麥燒黑存性爲末以小油調塗瘡上○治靨用蕎麥稽一擔不爛香燒灰存性入石灰半斤用軟水淋汁以鐵器煮漆匙攪成膏子於靨上點自出或先以草莖刺破亦可○又方用桑柴灰石灰淋汁熬膏草莖刺破點以新水沃之忌油膩等物○治頭上生瘤子用蛛絲勒瘤子根三二日自然退落○治頭面上瘡用鷄子黃熟煮炒令油出以油和輕粉傅之○治白禿瘡用山豆根水研傅

髮鬢

治髮落不生用麻子一升熬黑壓油傅頭則髮漸長  
○又方用楸葉搗汁每日塗之自出○又方用羊屎  
塗之漸出○治髮脫落能令再生用黑附子蔓荊  
子栢子仁各半兩爲末烏鷄脂和搗研乾置瓦盒內  
封固百日取出塗在髮鬚脫處三五日即生自然牢  
壯不脫○治黑髮用自已亂髮洗淨每一兩入椒  
五十粒泥封固入爐大火一煨如黑糟細研酒服一  
錢七髮長黑○治髮白用覆盆子榨取汁合成  
膏塗之不白○又方用金櫻子和鐵粉研拔去白髮  
傅之再出黑者亦可染髮○治年少髮白拔去白髮  
白蜜塗毛孔中即生黑者若不生搗梧桐子塗上  
必生○治髮乾燥用小麥麵半升半夏湯洗沉香  
半兩水二碗生姜一兩和皮細切同煎去滓取清汁  
入腦麝少許攪勻洗髮髮自然潤澤○治髮鬚黃赤  
一染即黑用生姜半斤生地黃一斤各淨洗研自然  
汁留滓以不蛀皂角十莖去黑皮并筋於前藥汁內  
蘸炙黃再蘸炙汁盡爲度却將藥滓同入罐內用火  
煨存性爲末以鐵器盛末三錢湯調停三日臨卧將  
藥蘸髮鬚即黑○又方用熊脂塗髮梳之散頭入床  
底伏地一食頃出便盡黑不過一升脂驗○又方用